

კვირა, 25 ოქტომბერი 1915 წ.

ფასი 10 კაპ.

# მშენებელი

იუმორისტ.  
ჟურნალი

# პატრიარქი

№ 24



სოლომონ შურაბის ძე შურგიელიძე (კვირტი).





კნ. მარია მრევლის ასული ზურგიელიძისა, მარკოზ ზურაბის-ძე ზურგიელიძე, ვარდენ, რე-  
ზო, ქაიხოსრო, თამარა, ცუცა, მაკო და ლიზო ზურგიელიძენი; ივანე ხარაძე, როსტომ  
ცხვარაძე; თინათინა, ფეფო, მიშა, კუკუნია, ცუცუნია, ცუცუკია, ლეო და დავით კიბო-  
შვილები; ზაზულია, ლულუ, მარიკა, წიბი, ქუქია, კუქია, ვარდო, ელიჩკა, ლუბა და მა-  
კარი ცხვარაძენი; ექვთიმე ფხუკიანიძე; ვალიკო, ბეჟან, სილონია, მათე, ზოსიმე, ხვარამზე,  
ქატოშვილები; სიმონ, კოსტა, და ნინიჩკა ჩხიკვაძეები; თომა, კეკე, ტატო, ატატო, სოსო,  
ლევან, ზაზა და მიტუშა ქარიანიძენი; ლუტუნია, კეკელა, ლილიჩკა, სონიჩკა, ანეტა, მა-  
რუსია, კეტუსია, თიკუნია, პაპუნა და იორამ პლუტიევი; ჭიჭიკო და ბიჭიკო ზამბაურე-  
ბი; ბესო, ზაქარია, პარმენ, ვარდენ, ქსენია, ქეთინა, ტიტე, მარუშკა, ფრიდონ, ლუკა და  
ფეფო ხაზიშვილები—გულითადის მწუხარებით აუწყებენ ნაცნობთ და მეგობართ უდროოთ  
გარდაცვალებას: პირველი ძვირფასი მეუღლისა, მეორე ძმისა, მესამე, მეოთხე, მეხუთე, მე-  
ექვსე, მეშვიდე, მერვე და მეცხრე უძვირფასესი მამისა, მეათე და მეთერთმეტე საყვარელი  
სიმამრისას; მეთორმეტე, მეცამეტე, მეთოთხმეტე, მეხუთმეტე, მეთექვსმეტე, მეჩვიდმეტე,  
მეთვრამეტე, მეცხრამეტე, მეოცე, მეოცდაერთე, მეოცდაორე, მეოცდასამე, მეოცდაოთხე,  
მეოცდახუთე, მეოცდაექვსე, მეოცდაშვიდე, მეოცდარვე და მეოცდაცხრე მარად მოსაგონა-  
რი საყვარელი ბაბუის (ანუ პაპის), მეოცდაათე უსაყვარლესი ნათლიის; მეოცდათერთმეტე,  
თორმეტე, ცამეტე, თოთხმეტე, ხუთმეტე და თექვსმეტე მარად მოსაგონარის დედიდაშვილი-  
სას; მეოცდაჩვიდმეტე, თვრამეტე, ცხრამეტე და მეორმოცე უსაყვარლესისა და უძვირფასე-  
სის დედიდაშვილის რძლის ბიძისა; ორმოცდამეერთე, ორმოცდამეორე, მესამე, მეოთხე,  
მეხუთე, მეექვსე, მეშვიდე და მერვე ტკბილ მოსაგონარის ნათლია ჩვენის სიმამრისას; ხო-  
ლო დანარჩენები სულიერი მამისა და მარად ჟამს მოსაგონარის ბიძა ჩვენის მამიდის მაზლის

## თავადის სოლომონ ზურაბის-ძე

# ზურგიელიძისას

განსვენებული ხანგრძლივი ავთამყოფობის შემდეგ მოულოდნელად გარდაიცვალა დღი-  
დან დაბადებისა მეოთხმოცდაშვიდე წლის მიწურულში.

პანაშვილები ყოველ დღე დაკრძალვა მოხდება წმინდა დიდუბის ეკლესიაზე ქ. თფი-  
ლისში.

## მეხი გავარდა.

გასკდა ზეცა, იგრილა მეხმა, წყდიადმა მოი-  
ცო არემო, დაბნელდა მზე, შეკრთა მთვარის მოე-  
ლვარე სხივები, ტყემ ძაძა ჩაიცვა, ვარსკვლავებმა  
თვალეები დახუჭეს, ხეობებში ბურუსი ჩამოწვა და  
ატრემლებულ მიდამოს ბანს ეუბნება. ქარიშხალი  
მრისხანებს და გაშეშებულ ტყეთა მწვერვალებს არ-  
ხეგს, მწუხარების ღრუბელთა გროვას ცის გუმ-  
ბათზე სდგამს ვით ხელთუქმნელ ძეგლს ჩვენი ცხო-  
ვრების ამოგებისას. აღარ ისმის ფრინველთ ქლურ-  
ტული და გალობა სიხარულისა, ყვავილთა სურნე-

ლება გაკმინდეს და სახეც დაეღმიკათ. ანკარა  
მტკვრის ტალღები თითქო სულთათანას უგალო-  
ბენ გაოგნებულ მიდამოებს და ცელქი რიონი თით-  
ქო ზარს ეუბნება თალხებში გახვეულ სოფელ სო-  
კოთუბანს, იმ სოკოთუბანს, რომელმაც აღზარდა  
თავისი და მთელი სამშობლოს სიამაყე, ქართველი  
ერის დიდება და სახელი, ჩვენი თანამშრომელი  
სოლომონ ზურაბის-ძე ზურგიელიძე, მწერლობაში  
„კვირტის“ ფსევდონიმით ცნობილი.

თვით ბუმბერაზი დარაჯი ჩვენი მამულისა,  
თოვლ-ყინულით თავ-აყვავებული იალბუზიც ღრმად  
ჩაფიქრებულა, პიტალო შუბლზე თით მიბჯენილი





განუსაზღვრელ მწუხარებას მისცემია, თვალთაგან ცივი ტანჯვის ანკარა ცრემლებსა ჰღვრის და ლამის გული გაიხეთქოს. ამაყი მყინვარიც ნიშნად მწუხარების თავზედ თოვლის ნაცარს იყრის და გულ ამომჯღარი ქვითინებს ჩვენი სამშობლოს ბედს უბედობისას.

სტირიან, რამეთუ უღროოდ წაიქცა მწვერვალი ქართული მწერლობისა, იალბუზი და მყინვარი ეროვნული სიტყვა-შეკაზმული ხელოვნებისა, სტირიან, რამეთუ ჩვენ აღარა გვყავს მზე პოეზიისა, მთვარე პროზისა და ვარსკვლავი იუმორისა თავ. სოლომონ ზურაბის-ძე ზურგიელიძე. სიკვდილმა მოგვტაცა ჯერედ გაუფურჩქნელი ძალღონით აღსაფსე, მთა იმედებისა საყვარელი „კვირტი“.

გრძნობს ზეცა და გრძნობს დედა-მიწა, გრძნობს სულიერი და უსულო ბუნება, ვერა გრძნობს მხოლოდ ქართველი ერი, რომლისთვისაც დიდებული, შეუდარებელი შვილის დაკარგვა მალლა დგას თვით გრძნობიარობაზედაც.

ჩვენ აღარა გვყავს დაუვიწყარი სოლომონ ზურგიელიძე!

ეს უტყუარი ფაქტია!

# † სოლომონ ზურაბის-ძე თავ. ზურგიელიძე

(„კვირტი“)

აღსრულდა გასაოცარის შორს მკვრეტელობითა და წინასწარმეტყველური წინასწარ გრძნობით ნათქვამი ჩვენი სოლომონისა:

„გაბრძნობდა აბაღვის  
ივანე კვდებს ბოღსას“.

და აღარ გვყავს საუკეთესო ქართველი ს. ზ. ზურგიელიძე. სამწუხაროთ, ადგილის სიმცირე ნებას არ გვაძლევს ვრცლად შევებოთ მის საყურადღებო ბიოგრაფიას (ეს მომავლის საქმეა) და იძულებული ვართ მკითხველის ყურადღება უძთავრესთა შორის უმთავრესებზე შევაჩეროთ.

სოლომონი დაიბადა 1828 წლის 19 აგვისტოს, დიდილს ოთხ საათსა და 18 წუთზე. მართალია თავად ზურაბ ზურგიელიძეს, მამას სოლომონისას, საათი არა ჰქონია, მაგრამ დილით მამლის ყივილსა და შუადლით ვირის ყროყინზე ეამთა მსვლელობას იგი, როგორც დაკვირვებული თავადი. უნაკლულოთ აღნიშნავდა ხოლმე.

ჯერ კადე შვიდი წლისა არა ყოფილა ჩვე-

ნი სოლომონი, რომ წმინდა ნათლისღება მიიღო. ამ დროს იგი თითქმის გარკვეულად ამბობდა შემდეგ ქართულ სიტყვებს: დედა, ბაბა, მსია მინა, კაკა, აღუუ და სხ. დიდი რჩევისა და კამათის შემდეგ გადაწყდა: ეწოდებიათ მისთვის სახელად „სოლომონი“, რაიც სავსებით გაამართლა მომავალში ჩვენმა მგოსანმა.

პირველ დაწყებითი განათლება პატარა (14 წლის) სოლომონმა სოკოთუბნის დიაკონთან, ბესო გულაძესთან მიიღო და მალე 18—19 წლის ბავშვი გადაიყვანეს მახლობელ სასულიერო სასწავლებელში. აქ პატარა სოლომონმა გაატარა დაახლოვებით 9—10 წელიწადი და ბოლოს, რაკი ვერ შეეთვისა სკოლაში გამეფებულ სულის შემხუთველ წესრიგს, იძულებული გახდა სკოლისთვის თავი მიენებებია.

ზოგიერთების აზრით სწორედ აქედან იწყება საზოგადო მოღვაწეობა ჩვენი ძვირფასი „კვირტი-სა“. მართალია მის სასკოლო რეველში აღმოჩნდა პატარა ლექსი ვიღაც „ცუგრუმელასადმი“ მინაწერი, მაგრამ ჩვენ გადაჭრით ვამბობთ, რომ ეს არ ეკუთვნის იმ ხანას, ვინაიდან იმ ლექსში არაფერია ბატონ-ყმობის შესახებ ნათქვამი. ჩვენის აზრით, საზოგადო მოღვაწეობა სოლომონისა დაიწყო გაცილებით უფრო გვიან, სახელდობრ 1865 წლის მიწურულში, ე. ი. როცა ის შეიქნა 35 წლისა და ამგვარათ საკმარისად მომწიფდა აღნიშნული ასპარეზისათვის.

სწორეთ ამ წლებში მიითვისა მან სიმპატიური ფსევდონიმი „კვირტი“, რომელიც მოწერილია მისი საუტხოვო ლექსის ქვეშ. მე არ შემიძლია აქ სავსებით არ მოვიყვანო ეს მარგალიტი სიტყვა კაზმული მწერლობისა.

აი ისიც!

### თვალები.

როცა ვხედავ ქაღებს,  
და ზედ შავ-შავ თვალებსა,  
მოსვენებს შეკარგვის  
ვიწვი და ვიდაკეპი.

ნახერწყვებს უჩის ჩანქრად  
როგორც ტაღა მრისხანე  
მე კი კვლად შევეურებ  
ამას გაგაფეხული.

იქ იმ თვალში მე ვხედავ  
ჩემს მამულს და ქვეყანას  
და რომ გრძნობს მომეჩაოს  
ეს გავეიფებს თქვენ განა?

„კვირტი“.





კრიტიკული განხილვა ბნი კვირტის ნაწარ-  
ოებთა ჩემს საგანს არ შეადგენს და თუ ეს ლექ-  
სი მოვიყვანე, მოვიყვანე მხოლოდ სანიმუშოდ.

აშკარაა ბატონ-ყმობის გაღავარდნამ ჩვენს  
მწერალზე დიდი გავლენა მოახდინა და ტალღოკი  
მისცა მასში ჩამარხული ნიქის მსვლელობას. აღსა-  
ნიშნავია, რომ შთამომავლობით თავადი და კარგი  
ოჯახის შვილიც, ხალხში ჩადგა და ერის გასაჭირი  
თავის დევიზად გაიხადა. ამას ერთის მხრით ხელი  
შეუწყო სოლომონის სახელმწიფო სამსახურში შე-  
სვლამ.

მსახურობდა იგი საგუბერნიო სასამართლოში,  
სადაც ხშირად უხდებოდა გლეხებთან საქმის წარ-  
მოება. ვინ არ იცის, თუ რას ნიშნავს სიტყვა  
„კანცელიარიის ვირთხა“! ჩვენი ეროვნების სასი-  
ქადულოთ სოლომონი შორს იყო ამ სათაკილო  
სახელწოდებისაგან და თუ სადმე დაუდევრობით  
რასმე დააშავებდა, იმის დამალვასაც კი მოახერ-  
ხებდა.

სწორედ ამ ხანებში გამოჩნდნ ჩვენში ახალ-  
გაზრდა მწერალნი: აკაკი, ილია, გ. წერეთელი,  
ს. მესხი, ნიკოლაძე და სხვანი, რომელნიც ხშირ-  
ხშირად იკრიბებოდნენ სოლომონ ზურგიელიძის  
ოჯახში, არა მარტო იმიტომ, რომ დიასახლისმა  
კარგი სადილები იცოდა, არამედ იმიტომაც, რომ  
მოესმინათ გონიერი მუსაიფი და აზრები უკვე დამ-  
სახურებული მწერლისა. ყველაზე დიდი გავლენა  
სოლომონის პოეზიამ ნ. ნიკოლაძეზე მოახდინა.

ჩვენს დაუფიწყარ მგოსანს თავისი კალამი თი-  
თქმის უკანასკნელ დღეებამდე არ გაუგდია ხელი  
დან. ამ ბოლო დროს ექიმების რჩევით დაანება  
თავი ლექსთა თხზვას, რამაც უქვევლია გავლენა  
იქონია მის სულიერ სიმშვიდეზე.

ნეტარ ხსენებულის ლექსთა შორის პირველი  
ადგილი მისს „თვალებს“ უჭირავს. ამ ლექსს უკვე  
ამდერებენ გიტარაზე სოფლელი ქალიშვილები.  
გარდა ამისა მშვენიერია ლექსები: „ატამი“ (დაუ-  
მთავრებელი), „სიზმარი“ (დაუმთავრებელი) „ბა-  
ტები“. ყვავო, ყვავო ყვანჩალოა“ (იუმორისტული.  
დაუმთავრებელი).

მაგრამ თქვენ არ უნდა იფიქროთ, თითქო  
ბ-ნი სოლომონი მხოლოდ სამწერლო დარგში ყო-  
ფილიყოს შესანიშნავი. არა; ის შესანიშნავი იყო,  
როგორც მსახიობი (სცენის მოყვარე) როგორც  
მკვერ-მეტყველი ლექტორი; როგორც საუკეთესო  
მცოდნე ქართული ენისა, ისტორიისა და აგრეთვე  
ქართული საეკლესიო გალობისა. ყველა ზემოაღნიშ-

ნულ დარგში შეიტანა მან თავისი წვლილი, ყველგან  
დაიმსახურა უდიდესი სიყვარული და პატივისცემა,  
მაგრამ განსაკუთრებითი ყურადღების ღირსია მისი  
ისტორიული გამოკვლევა „სოფ. სოკოთუბანი“,  
სამწუხაროთ დაუმთავრებელი.

1905 წლის შემდეგ სოლომონმა სცადა დრამე-  
ბის წერაც, მაგრამ ვერც ერთი ვერ დაამთავრა  
დროს უქონლობის გამო. მხოლოდ „ქურდლის  
ფეხი“. დრამა სამ მოქმედებათ უკვე დაემთავრებია,  
მას მაგრამ სამტრედიისში მოგზაურობის დროს სად-  
გურთან ჩამოდანი მოჰპარეს და დაიკარგა.

ოჯახური ვითარება სოლომონისა მდიდარი  
მრავალი საყურადღებო შემთხვევებით, მაგრამ რო-  
გორც აღვნიშნეთ უადგილობის გამო არ შეგვიძ-  
ლია ჯეროვნად გავამუქოთ ყოველი მხარე მისი.

38 წლისამ შეერთო მან თავადი რევზ დერ-  
გაძის ქალი მარიამი. როგორც ირკვევა სოლომო-  
ნის ლექსი „თვალები“ მარიამის ეშხით იყო გამო-  
წვეული. მარიამი სასახლო დიასახლისი, ქმრისა  
და ოჯახის ერთგული გამოდგა. განსაკუთრებით  
ხელს უწყობდა იგი ქმრის მგოსნურ მუშაობას და  
სცენაზედაც მისი თანხმობით გამოდიოდა ჩვენი  
სოლომონი.

მალე ოჯახი გაიზარდა. სოლომონს შეეძინა  
სამი ვაჟი და ოთხი ქალი. ვაჟებმა უკვე მიიღეს  
საკმაო სწავლა განვითარება, რომ მამის დაწყებუ-  
ლი საქმე განაგრძონ. ვარდენი და რეზო სათავად-  
აზნაურო გიმნაზიაში სწავლობდნენ. მეოთხე კლა-  
სამდე გაუძღეს როგორც იქმნა აუტანელ რეჟიმს  
და მერმე თავი დაანებეს. უმცროსი ქაიხოსრო სე-  
მინარიისთვის ემზადებოდა, მაგრამ ბოლოს თავი  
დაანება და სოფლის მეურნეობა ირჩია.

სოლომონის ქალებში მარტო ერთმა, თამა-  
რამ ისურვა გათხოვება, დანარჩენი სამი: ცუცა,  
მაკა და ლიზიკო მამასთან დარჩენ ოჯახში დღე-  
ვანდლამდე. მიუხედავთ იმისა, რომ ადგილ მამუ-  
ლი უხვად ჰქონდა და პენსიაც საკმაო, სოლომო-  
ნი უკიდურეს სიღარიბეში გარდაიცვალა. გარდაი-  
ცვალა იგი მოულოდნელათ, ჯერ კიდევ ძალღო-  
ნით აღსაგსე დაბადებთგან 87 წლისა.

ქართველი საზოგადოების ვალია იზრუნოს  
დიდებული ქართველის ოჯახის კეთილ დღეობის  
უზრუნველსაყოფად.

საუკუნოთ იყოს ხსენება შენი დიდებული ძა-  
მულიშვილო

ისტორიკოსი.





წმინდა ნათლისღება სოლომონ ზურგიელიძისა.

### სოლომონ ზურგიელიძის (კვირტის) ხსოვნას.

და ვფიცავ, ვფიცავ წმინდა სახელს, სახელს უფლისას, ვფიცავ ჩემს სატრფოს, ქუსლის ლურსმანს მისი ტუფლისას, ვფიცავ ჩემს მუზას, გენიოსურ მისსა თამაშსა, ჩემი მიჯნურის ოქროს ფეხსა, ფეხზე გამაშსა, ზღაპარს ჰამაკში, ნეტარ წუთებს მის მოგონების, კოცნათა კოცონს და ჩაკოცნილ ტუჩით გოგონების, რომ ჩემი სული, ააჯანყა სიკვდილმა შენმა, და შემაზღულდა გული ზღუდემ, ლოდით ნაშენმა!..

\*

ოჰ, სოლომონჯან! აწ ჩემს მუზას გარს აკრავს ნისლი, რადგან შენ მუზის მოძმე იყო, თვისტომი, ქვისლი... ჩაშავდა გული, გაიმურა ვით არაბია, და ჩემს ვარდის ბუჩქს, ვაჰ, კოკორი აღარ აბია!..

ღილით ავდექი დათალხული და მგლოვიარე და ჩემი სატრფო გოგონები შემოვიარე, მაგრამ, სოლომონ, ჩემი ურვა ჯოჯოხეთს უდრის, ვერ გააქარვა სურნელებამ იმათი პუდრის!..

ი. გრიშაშვილი.

## ქ რ ო ნ ი კ ა.

დამკრძალავი კომიტეტი.

საბედისწერო დეპეშა ს. ზ. ზურგიელიძის გარდაცვალების შესახებ იმდენათ მოულოდნელი იყო, რომ "ნაციონალურ დამკრძალავ კომიტეტის" წევრნი in corpore შეეკითხნენ სოკოთუბნის სამრევლო სკოლის მასწავლებელს: „გამოურკვეველ მდგომარეობაში მყოფნი, გულის ფანცქალით გეკითხებით, მართლა დაიღუპა საქართველო თუ არა?“

ამ დეპეშის საპასუხოდ მოვიდა მოკლე, მაგრამ მრავალ მეტყველო ცნობა: „დაიღუპა“.

ამ ცნობის მიღებისათნავე შესდგა საგანგებო კრება „ნაციონალურ დამკრძალავ საზოგადოებისა“.



**ანდერძი.**

ქალაქში ხმა გავრცელდა, რომ განსვენებულ მგოსანს თავისი ნაწერები (დაუმთავრებელი) უანდერძებია „ქართველ კულტურის მოყვარე საზოგადოებისათვის“; არყის ხისაგან გამოჩუქურთმებულ სოლომონის საყვარელ „პორტსიგარში“ აღმოჩნდა შემდეგი, გულის ამჩუყებელი ბარათი: **„ეანდერძოს „განათლების“ სკოლას. პატარა ქართველო! შეიყვარე სამშობლო შენი, ვითარცა მე მიყვარდა „პორტსიგარი“ ესე“.**

**უკანასკნელი წუთები.**

სოფ. სოკოთუბანში ლექციის წასაკითხავად მისული ბ-ნი ს. ფირცხალავა, შემთხვევითი მოწამე გახდა სოლომონის აღსრულებისა. როდესაც ბ-ნი სამსონი გამოეთხოვა, სულთმობრძავემა სოლომონმა თითქმის გარკვეულათ წარმოსთქვა: — **მშვიდობით, საყვარელო სამ... და სამუდამოთ დახუჭა თვალები.** მას აღარ დასცალდა უკანასკნელათ სრულად წარმოეთქვა მისი სათაყვანებელი სიტყვა „სამშობლო“.

**დამკრძალავ კომიტეტთა ცენტრალური ბიურო.**

„ნაციონალურ დამკრძალავ საზოგადოების“ პირველმა კრებამ ერთხმად დაადგინა: ჩვენი მსკოვანი მოღვაწის დაკრძალვას მიეცეს ფართო ნაციონალური ხასიათი. ამ მიზნის მისაღწევათ განიზრახა ყოველ უბანში ცალკე „დამკრძალავ კომისიის“ დაარსება და მათ წარმომადგენელთაგან „ცენტრალური ბიუროს“ შედგენა.

მაგრამ მოხდა ის, რაც უნდა მომხდარიყო: ვიდრე „ნაციონალურ დამკრძალავი საზოგადოების“ კრება ამ საკითხს სწყევტდა, სხდომის დარბაზს უკვე მიაღდგნ „საუბნო დამკრძალავ კომიტეტთა“ წარმომადგენელნი. ამგვარათ, ხალხის სტიქიური სურვილისამებრ **„დამკრძალავ კომიტეტთა ცენტრალური ბიურო“**. უკვე შესდგა.

ბიუროში შედიან: ბ-ნი იასე რაჭველი (ვერა). სევასტი გაჩეჩილაძე. (საბურთალო და ახალშენი), მამედ-ფეფენდი-ალი-ოღლი-გუსეინ-ზადე (ხარფუხი), შ. შარაშიძე (ავლაბარი), დ. კასრაძე (ჩუღურეთი), ნ. კალანდაძე (კუკია), ფ. მგელაძე (დიდუბე).

როგორც მოსალოდნელი იყო, სოლოლაკ-ნაძალადევემა ახლაც ბლოკი შეჰკრეს და **„დამკრძალავ კომიტეტთა ცენტრალური ბიუროში“ თავისი წარმომადგენლები არ გამოგზავნეს.**

**საინტესესო პროცესი.**

როგორც გავიგეთ, სოლომონის ჯერ დაუმთავრებელი მონოგრაფია ქართული საეკლესიო გალობის შესახებ — **„სამ-ხმოვანი, თუ ოთხ-ხმოვანი?“** — მგოსანის ნება დაურთველად გამოუყვია ბ-ნ სოსიკო მერკვილაძეს.

ამის გამო, ანდერძით მემკვიდრე „ქართული კულტურის მოყვარული საზოგადოების“ გამგეობა გამოძიებას შეუდგა და ახლო მომავალში საინტერესო პროცესის მოწამენი გაეხდებოთ.

**ძეგლის პროექტი.**

„სახალხო ფურცლის“ რედაქციამ ერთხელ კიდევ დაამტკიცა, რომ ის დარაჯათ უდგას ეროვნულ ინტერესებს. „დამკრძალავ კომიტეტთა ცენტრალური ბიუროს“ სხდომაზე აღნიშნული რედაქციის წარმომადგენელმა ი. გოგოლაშვილმა გააცნო ამხანაგებს დაუფიწყარი მგოსანის ძეგლის პროექტი. ქანდაკებას გოსნისას გამოჰკვეთს მარმალილოსაგან ბ-ნი ი. ნიკოლაძე, ხოლო კვარცხლბეკს დასდგამს ინჟ. პ. მამრაძე.

ბ-ნი ი. ნიკოლაძე, როგორც დანამდვილებით გავიგეთ, ომის გათავებისათანავე გაემგზავრება საზღვარ გარეთ, ლიუქსენბურგის მუზეუმში განსვენებული მგოსანის მოხაზულობის შესასწავლათ.

**სოლომონის ფონდი.**

„ქართული დრიმატიული საზოგადოების“ გამგეობამ დაადგინა: გადაეცეს „დამკრძალავ კომიტეტთა ცენტრალური ბიუროს“ მიმდინარე სეზონის წმინდა შემოსავალი განსვენებული დრამატურგის სოლომონ ზურგიელიძის ფონდის ძირითად თანხისათვის.

ამავე მიზნისთვის შემოვიდა: 1) ლენა ტიკინაძისაგან (3 წლისაა) 1 მან. და 50 კაპ. (ვერცხლის უხალთუნები) 2) ილო და ლუბა ჩილიკაძეთაგან (პირველი 5 წლისაა, მეორე 2 1/2 წლისა) სულ 1 მან. 25 კ. 3) იოსებ იმედაშვილისაგან (47 წლ. და 17 დღისაა) 5 მანეთი („თეატრი და ცხოვრების“ ერთი ნომრის წლიური ფასი). 4) ახმედ-ჯე-ბირ-ოღლისაგან (8 წლისაა) 75 კაპ.

**„სოლომონის საღამო“.**

„დამკრძალავ კომიტეტთა ცენტრალურმა ბიურომ“ დაადგინა: განსვენებულის აღსრულების მეორმოცე დღეს გაიმართოს ქართულ კლუბის დარბაზში „სოლომონის სამგლოვიარო საღამო.“





პროგრამა დაახლოვებთ შემდეგია: **1 განყოფილება.** 1) სამგლოვიარო ჰიმნი სოლომონის ქანდაკების წინაშე (კავსადის ხრო შეასრულებს „ცანგალა და გოგონას“) 2) გრ. რობაქიძე (თუ ავთო-მყოფობამ ხელი არ შეუშალა) წარმოსთქვამს სიტყვას: „ქალ-ვაჟური დასაწყისი ს. ზ. ზურგიელიძის თხზულებებში“. 3) ექ. ივ. გომართელი წაიკითხავს ლექსას „მეუღლე სოლომონისა, ნინა და საკულინარო ხელოვნება. **2 განიოფილება.** 1) ბ. ვ. ბურჯანაძე განსვენებული მგოსნის გრამში წაიკითხავს სოლომონის უკვდავ ლექსებს. 2) კავსადის ხრო შეასრულებს ამ დღისთვის საგანგებოთ შეთხზულ საგალობელს „ნეტავი, გოგოვ, მე და შენ“ 3) ნაფიცი ვექილი იოსებ მაქავარიანი წარმოხთქვამს სიტყვას „სოლომონ ზურგიელიძის გავლენა ვახტანგ VI-ის კანონდებულებებზე“. **3 გან. გოფილება.** 1) „ნაკადულის რედაქციის სახელით არჩილ ჯაჯანაშვილი (6 წლისა) წაიკითხავს ლექსს: „პატარა ვარ, გავიზრდები“. 2) კავსადის ხრო იგალობებს განსვენებული სოლომონის მიერ ნოტებზე გადაღებულ სვანურ ჰანგს „ხასან-ბეგურას“. 3) დამკრძალავ კომიტეტთა ცენტრალურ ბიუროს თავმჯდომარე ბ. ვ. ჟურული წარმოსთქვამს სიტყვას: „სანოვანეთა, თუ მოღვაწეთა დაძვირება?“. **4 განყოფილება.** აპოთეოზი. სცენაზე მოსჩანს ქარიშხალისაგან გადამტვრეული უზარმაზარი მუხა (ემბლემა საქართველოსი), რომელსაც ყვავ-ყორანნი დასჩხავიან თავს და ჰკორტნიან. მუხის კუნძს (ემბლემას შეურყეველ ეროვნულ საფუძვლისას) იღუმალი მღუმარებით დაყრდნობია სოლომონ ზურგიელიძე. სოლომონსა და მუხის კუნძს გარს არტყია ქართველ ახალგაზრდა მგოსანთა პლეადა, ნორჩი ულორტები შეურყეველი საფუძველისა. ეს სურათი, ჯერ ბინდ-გადაკრული, თან და თან ნათელიმოსება ამომავალი მზის სხივების მიერ. ამომავალ მნათობის ელვარე სხივებთან ერთად ამ დიდებულ სანახაობას ეფინება მომჯადოებელი ღვთიური ჰანგები კავსადის ხროსი, რომელიც ჩვეულებრივის სინაზით უგალობს მგოსანს: „მუმილი მუხასა გარს ეხვეოდა“.

ბიურომ ამასთანავე დაადგინა, ამგვარივე „სოლომონის საღამოები“ გაიმართოს ყოველ წლივ, 17 ოქტომბერს.

**დამკრძალვის კრებული.**

დამკრძალავ კომიტეტთა ცენტრალურმა ბიურომ აირჩია სარედაქციო კომისია, რომელსაც დაავალა ცალკე წიგნათ გამოცემა ყველა იმისი, რაც

სოლომონის გარდაცვალების გამო ითქვა და დიფერა. ეს კრებული, თუ საჭირო მასალების შეგროვება და დაბეჭდვა მოესწრო, უნდა მზათ იყოს განსვენებულის გარდაცვალების შემდეგ 25 წლის იუბილეისათვის, ე. ი. 1940 წელს.

**ახალი უბედურების აჩრდილი და საჭირო თადარიგი.**

დ. კ. ც. ბიუროს უკანასკნელ კრებაზე წაიკითხულ იქმნა შემადრწუნებელი შინაარსის დებეშა ქალაქ ოზურგეთიდან: „ღრმა მწუხარებით გაუწყებთ, რომ გუშინ, საღამოს 6 საათზე, მოულოდნელათ მიიმე ვგათ გახდა ჩვენი მამულის სიამაჟე გუსარ ჟუჟისპირელი. მდგომარეობა საშიშია. აღექსი ჭალელი.“

ბიურომ დაუყოვნებლივ გადასწყვიტა განაგრძოს არსებობა ვიდრე ეს ვერაგი მტერი, ქართველი ერისა, სიკვდილი, არ დასტოვებს ჩვენს მრავალ-ტანჯულს სამშობლოს.

**На смерть С. З. Зургиелидзе—Квирти.**

Угасли звѣзды... И нѣкто въ черномъ,  
 Приникши ликомъ къ тьмѣ небесной,  
 Въ эфирѣ сумрачномъ, минорномъ  
 Простеръ кровавую десницу...  
 И страшной Смерти колесницу  
 Съ контуромъ сѣрымъ и неяснымъ  
 Промчалъ съ нѣмымъ грохотомъ...  
 И Эхо адское съ хохотомъ отвѣчало:  
 — Алло!..


И вздоргнули тогда устои Небосклона,  
 И онъ, весь черный, плащъ свой черный  
 Спустилъ, злой Моиръ покорный,  
 Къ изголовью Соломона...  
 И пастыря могучій, свѣтлый духъ  
 Простился съ бранными останками,  
 И вылетѣлъ, какъ легкій птичій пухъ,  
 И въ высь поднялся съ „свѣтлянками“...  
 И вотъ закрылись методично  
 Сперва одно, затѣмъ другое окко...  
 Не выдержаль поэтъ и вскрикнулъ мело-  
 дично:

— „Варъ! ма ва моко! \*)!“

**С. Абашели.**

\*) „ვარ! მა ვა მოკო“—მეგრული სიტყვებია და ნიშნავს: არა! მე არ მინდა! როგორც მკითხველი ჰხედავს, ეს ძლიერი პროტესტი უსამართლო სიკვდილის წინააღმდეგ, პოეტს სამშობლო ენაზე აღმოხდა.





სოლომონ ზურგიელიძე  
სკოლაში შესვლის დროს.



სოლომონ ზურგიელიძე

სასწავლებლიდან გამოგდების დროს, როცა მან დასწერა პირველი ლექსი „თვალეზი“.

## დაკრძალვის ცერემონიალი.

გუშინდელ სხდომაზე დ. კ. ც. ბიურომ საბოლოოთ შეიმუშავა სოლომონის დაკრძალვის წესრიგი:

1—ქაშვეთის ეკლესიაში მის გალავანში და ახლო-მახლო ქუჩებში უბილეთოდ არავის დაუშვებენ. ბილეთები იყიდება ქ. შ. წ. კ. გ. კანტორაში. (გრ. ბურჭულაძესთან) „სახალხო ფურცელის“ რედაქციაში, ხილელულობის მაღაზია „კარტალინიაში“ რ. ვაბაშვილთან და სათავად-აზნაურო გიმნაზიაში ა. კიკინაძესთან. ბილეთების ფასი: ა) ქაშვეთის ეკლესიაში 1—8წყებამდე 3 მანეთი. 9—ბოლომდე 1 მან. 50 კაპ. ბ) გალავანში 1 მანეთი და გ) ქუჩებში 50 კაპ.

2—წირვა დაიწყება დილის 4 საათზე და გათავდება საღამოს 4 საათზე. მწირველნი იქნებიან ქართველი მღვდელმთავრები, მუსულმანთა შეიხულ ისლამი და ებრაელთა რაბინი.

3—წირვის გათავების შემდეგ ცხედარს ეკლესიიდან ბაღდასთანამდე გამოასვენებენ მგოსნები;

ბაღდასინში ცხენების ადგილს დაიჭერენ ჩვენი ცნობილი მოღვაწენი: გ. დიასამიძე და ალ. ყანჩელი; ილ. ზურაბიშვილი და სიმონ ყიფიანი; კოწია თუმანიშვილი და ფეხურ-ოლი-დემირ-ზადე; ფილ. გოგინაიშვილი და პართ. ვოთუა; ერ. გორდელაძე და მიხა გაჩეჩილაძე. პროცესიას წინ, კელატრით ხელში გაუძღვება „სინათლის“ ავტორი იოსებ გედევანიშვილი.

4—პროცესია დაიძრება საღამოს ოთხ საათზე ლორის მელიქიშვილის ქუჩით, გაივლის ერევნის მოედანს, სომხის ბაზარს, სიონის ტაძარს და გავა ხარფუბში, საიდანაც ბოტანიკური ბაღით აივლის კოჯორის გზაზე სოფ. ოქროყანამდე. აქედან მოუხვევს და ჩამოვა სოლოლაკით კვლავ ერევნის მოედანზე. შემდეგ გაივლის სასახლის, გოლოვინის, წყნეთის ქუჩებს და მიადგება სათავად-აზნაურო გიმნაზიას. აქედან კვლავ უკან ბრუნდება და ვერის დაღმართით გამოვა მიხაილის პროსპექტზე და გაემართება პირდაპირ დიდუბისაკენ.

გზაში პროცესია შეჩერდება: სათ.-აზნაურო ბანკის ახალ შენობასთან, (სიტყვას წარმოსთქვამს



ილ. ზურაბიშვილი.) ძეგველოვის მალაზიასთან (სიტ. წარ. პარ. ვოთუა) ერენის მოედანზე (ეროვნებათა წარმომადგენელნი) სიონის სობოროსთან (ანტ. ეპისკოპოზი) აბანოებთან (გიორ. ამირეჯიბი) ბოტანიკურ ბაღში (ნ. კალანდაძე) სოფ. ოქროყანაში (ვარდენ ზურგიელიძე.) წერაკიბების საზ. წინ (ვარ. ბურჯანაძე) ლალიძის ქარხნის წინ (მიხ. ლალიძე) ძმურ ნუგეშთან (განდგილი) „აღიქსანდროულთან“ (გიგო დიასამიძე) სათავად-აზნაურო გიმნაზიასთან (გერონტი ქიქოძე) „ნოეს“ სასტუმროსთან (აბ. წულაძე) „ეშმაკის მათრახის“ რედაქციასთან (ეშმაკი) ხოლო დიდუბის ეკლესიის გალავანში ილაპარაკებენ ყველანი ერთად.

# მოგონებანი

განსვენებულის ს. ზ. ზურგიელიძის შესახებ.

## I

ჯერ კიდევ მსოფლიო ომი გამოცხადებული არ იყო, რომ შევხვდი განსვენებულ მოღვაწეს ქალაქის ბაღში და მასთან გაცნობის შემდეგ სახლში სადილათ მივიწვიე. სოლომონმა გაიპატიეთა და სთქვა:

— მე კარგა ხანია გიცნობდით თქვენ, როგორც ნიჭიერ მგოსანსა და ჭეშმარიტ მამულიშვილს, მაგრამ გაცნობისათნავე სტუმრობა, ეს ურცხვობა იქნებოდა ჩემის მხრით.

მე, როგორც სტუმრის მოყვარულმა ქართველმა, რასაკვირველია დავითანხმე მოღვაწე ქართველი შინ წამყოლოდა. სოლომონი განცვიფრებაში მოიყვანა ჩემს ოჯახში ნახულმა. მეტადრე მოხიბლვ ოჯახის დიასახლისმა და ბავშვების გონება გახსნილობა.

— ასეთი ოჯახის მამა, ჭეშმარიტად ღირსია ქებისა და დიდებისაო, შენიშნა სოლომონმა.

მე გადავეცი წასაკითხათ მას ჩემი ახლად დამთავრებული ხელთნაწერი „ზუთხი“, ლაქსად დაწერილი პოემა. სოლომონი პირველმავე ტაეპმა უზომო აღტაცებაში მოიყვანა და სახე განათებულმა შესძახა:

— აი ჭეშმარიტი ნიჭი! შემცდარნი არიან ვინაც ჩვენში მწერლობის დაკნინებაზე ლაპარაკობს. მე რომ თქვენი მესვედი ნიჭი მომცა, მსოფლიო გენიოსის სახელს მოვიხვეჭდი და თვით შოთა რუსთაველსაც კი ჩაეჩრდილავდი.

დიასახლისის მიერ მორთმეულმა სადილმა,



სოლომონ ზურგიელიძის დაკრძალვა: დიდებული სანახაობა.

ილია ზურაბიშვილი



ხომ ყოველივე მოლოდინს გადააქარბა. მგოსანმა აღარ იცოდა რომლისგან დაეწყო. მშვენიერს სასადილო ოთახში პირდაპირ გრძობის მომჯადოებელი არამატი დაგუბდა.

— ჩემს ხანგრძლივ ცხოვრებაში ბევრგან დავსწრებივარ ნადიმს, მაგრამ ასეთის ხელოვნებით შეზავებული სუფრა ჯერ არსად მინახავს. მე აღარ ვიცი როგორ გადავიხადო თქვენი პატივისცემა. თუ რაიმე გარემოებამ ხელი არ შემეშალა ვეცდები ჩემს ოჯახში შევხვდეთ ერთმანეთს, თუმცა ახლავე გაფრთხილებთ, რომ ასეთ უხვსა და მშვენიერ დახვედრას ვერ შევსძლებ.

სამწუხაროდ ჯერ მსოფლიო ომმა და შემდეგ უღმობელმა სიკვდილმა ხელი შეუშალა მგოსანს, თავისი დაპირება სისრულეში მოეყვანა.

აზნ. მიხეჯ ვარდენის-ქე ლომჯანიშვიდი.

## II

პირველად სოლომონთან შეხვედრა 1908 ოქტომბერს მომიხდა „რკინის თეატრში“. ის გამაცნო ნ. ე. ე. ვამ. მე მაშინ მესამედ გამოვდიოდი სცენაზე არსენას როლში და თითქმის არავისგან არ მომესმინა აზრი ჩემი თამაშის შესახებ.

— თქვენ, ბ. ნო. ლევან, დღეს ქეშმარიტი სიამოვნების წამები გამაცდევინეთ. არსენა, ეგ ჩვენი ცხოვრების გმირია და როცა თქვენს თამაშს ვუყურებდი, მე თითქმის სრულს თავდავიწყებას ვეძლეოდი. მე საზოგადოთ არავისი ქება არ მიყვარს, მაგრამ თქვენი ღვაწებრივი ნიჭის სიძლიერე მაძილებს ამ შემთხვევაში ჩემს ჩვეულებას ვუღალატო. თქვენ უეჭველად დიდი მოკავალი მოგელისთ და მე მეშინიან მხოლოდ იმისი: ვაი თუ თქვენი ნიჭის ზრდა ქართული თეატრის ქერქში ვეღარ მოთავსდეს და სამშობლო მხარე მიატოვოთ.

კარგათ აღარ მახსოვს, თუ ვინ უგდებდა ყურს ამ ჩვენს მუსაიფს, მაგრამ ეს სიტყვები, როგორც ცეცხლით ამონაკვეთი, ისე დააჩნდა ჩემს გულს. მე გაუბედავათ ვთხოვე ეცა პატივი და სპექტაკლის შემდეგ ჩემთან ერთად ერთი ქიქა ღვინო დაელია, რაზედაც სოლომონმა მიპასუხა:

— პირიქით, ჩემთვის უფრო იქნება სასახელო თქვენთან სადამოს გატარება და სიამოვნებით ვეთანხმები თქვენს სურვილსო.

ვახშამზე თამაღობა სოლომონმა იკისრა და პირველი ქიქით ხელში წარმოსთქვა:

— ბატონებო! მე ბედნიერი ვარ, რომ ბედმა მარჯუნა დღეს იმ წრეში თამაღობა, სადაც ზის ჩვენი სცენის შუქურ ვარსკვლავი, რომელიც ამ

პატარა ხნის წინეთ ამოკაშკაშებული აქ, ზღვის პირის ჰორიზონტზე და რომელსაც ჯერ ჯერობით ვერ ამჩნევს შუაგულ ქართველთა თვალი. მაგრამ ვარსკვლავი ზევით, ამოცურდება, ზღვის ბურუსიდან ცის ლიქვარზე გადავა და იქ აენტება როგორც მზე ქართული ხელოვნებისა. მე ვსვამ ჩვენი ძვირფასი მასპინძლის, ახალგაზრდა სცენის მოყვარის და ნიჭით აღსავსე მსახიობის ლევან სიმონის ქე გორელის სადღეგრძელოს.

უნდა გამოვტყდე, რომ ამ სიტყვამ ძლიერ აღაფრთოვანა ჩემი მგრძნობიარობა. მარტომ დავიწყე „მრავალ ქამიერი“ და ამ გარემოებამ ახალი ქება გამოიწვია ჩემი სოლომონის მხრით. მან „ექსტრა“ მოითხოვა და სთქვა:

— ბატონებო! ბოდიშს ვიხდი რომ გაწუხებთ, მაგრამ ეს არ მომდის კერძო პირადის ანგარიშებით. თქვენ ჩემზე უკეთ მოგხსენდებათ სიმდიდრე ქართული საერო და საეკლესიო ჰანგებისა. მაგრამ საუბედუროთ ჩვენში არ გამოჩენილა ჯერ პიროვნება, რომელსაც ამ სფეროში მიეხწიოს ნამდვილ ნაციონალურ შემოქმედების მწვერვალამდე. დღეს ჩემ მიერ მოსმენილი „მრავალ-ქამიერი“ ამ მხრივ ფიად მრავალ მნიშვნელოვანია და მე შემეძლია მოგილოცოთ თქვენ აღმოჩენა უძლიერესი ქართველი მუსიკოსისა.

ყველა განცვიფრებული დარჩა, ვინაიდან ჩემი სიმღერა მათ არა ერთხელ ჰქონდათ გაგონილი და თუ ის ასეთი ღირსებისა იყო ექვიც არავის ებადებოდა.

დღეს უღმობელმა სიკვდილმა მოგვტაცა მრავალმხრივი ნიჭით დაჯილდოებული სოლომონ ზურგიელიძე და ამ გარემოებამ მეც განუსახდვრელს მწუხარებაში ჩამავლო.

საუკუნოთ იქნება შენი სახელი ჩვენს გულში დიდებულო ქართველო.

სცენის მოყვარე ლევან სიმონის ქე ვარჯიდი.  
(ფირფიტაშეიდი).

## III

მიზეზი იმ სამწუხარო მოვლენისა, რომელიც საფუძვლათ დაედო ჩემს სოლომონთან მეგობრობას გახლდათ უბრალო ჭორი, ვიდაც მანვე კორესპონდენტისაგან მის შესახებ გავრცელებული. ჭორი შეეხებოდა მექრთამეობას და კორესპონდენტს ინიციალებში „ს. ზ. ზ.“ თურმე ჩვენი სასიქადულო მოღვაწე ჰყავდა გამოყვანილი.

მე ის-ის იყო ჩავეში სარედაქციო სავარძელში, რომ კარები გაიღო და არქიელის სახის მო-





ხუცი შემოვიდა. გამეცნო. მე სავარძლიდან წამოვიწიე და ყრუ ხმა გამოვეცი, ვინაიდან ჩემს გაოგნებას სამზღვარი არ უჩნდა.

- როგორ, თქვენს შესახებ ბრალდება?!
- დიახ, მე მასახლეობ მექრთამეთ.
- ეს შეუძლებელია!
- ჭეშმარიტად შეუძლებელია, რადგან მე

კარგა ხანია საფუძვლიანად შევისწავლე თქვენი ჟურნალის სული, მისი მიმართულება, მისი იდეალები. თქვენი ნაწერები ეს ერთგვარი „დესერტი“ ქართული ჟურნალ-გაზეთების მკითხველისათვის, ვინაიდან მისი კითხვის დროს აზრი მოძრაობს, ზნეობა მალდება, გონება იზრდება და ინტელექტუალური მოთხოვნილება ქართველი მკითხველისა ყოველმხრივ კმაყოფილდება. თქვენი ენა, სტილი თქვენ მიერ აზრთა გამოთქმისა, პირდაპირ შედეგია. ქართული ენის განვითარება ამას ბევრად ვეღარ წავა და თუ მან ეს პოზიცია შეინარჩუნა, მისი მომავალი ამითაც უზრუნველყოფილია.

ამ მუსაიფს ყურს უგდებდა აწ განსვენებული ბეკო კეხიანიძე, რომელიც ყველაფერში დაეთანხმა განსვენებულ სოლომონს და თავის მხრივ დასძინა:

— ჩვენში თუ შეიძლება ხელში აღება, ისევ ამ ჟურნალისა და ეს იმიტომ, რომ მას ასეთი პატიოსანი და მკოდნე ხელი ჰმართავს. მოისპობა ხელი, — ჩაჰქრება კანდელი!

— ჭეშმარიტად, ჭეშმარიტად სიმართლესა ბრძანებთ ბატონო. მე წელან მხოლოდ ჟურნალზე იმიტომ ვილაპარაკე, რომ თავისთავად ცხადია: „კოკასა შინა რაცა სდგას, იგივე წამოსდინდების“. განა შეიძლება ხელმძღვანელი უვარგისი იყოს და ჟურნალი კი ასეთი შეუღარებელი?! ეს თითქმის შეუძლებელია! ესეც არ იყოს ბატონი სოსოს პიროვნება, თუმცა მე მას აი ამ წამში გავეცანი, ყველასთვის აშკარა, უსათუოა. დასძინა სოლომონმა.

მე რასაკვირველია იმავე ნომერში გავკიცხე კორესპონდენტი, რომელმაც ასე უდიერად მოიხსენია ჩვენი ერის დიდება.

მას შემდეგ ჩემსა და სოლომონს შორის დამყარდა მჭიდრო მეგობრული კავშირი, რომელიც ასე უღროოთ და ვერაგულად შესწყვიტა გულქვა სიკვდილის ცელმა.

კმარა ბატონებო, კმარა ამდენი მსხვერპლი! რედაქტორი ჟურნალ „ტრ. პრ.“

სოსო დამ. მარათიშვილი.

**რედაქციისაგან.** ადგილის სიმცირე ნებას არ გვაძლევს მკითხველთა საყურადღებოთ მოვიყვანოთ ათასი სხვა ასეთი გრძნობით აღსავსე მოგონების ბარათები. თუ დამკრძალავმა კომისიამ სისრულეში მოიყვანა თავისი დაპირება ცალკე კრებულის გამოცემის შესახებ ჩვენ რა თქმა უნდა სიამოვნებით დაუთმობთ მას ამ უხვსა და ძვირფას მასალას.

„ქმეჯის მათრახის“ რედაქცია.

## ეროვნული უბედურება და ქართული პრესა.

განსვენებული სოლომონ ზურგიელიძის ცხედრის წინაშე ყველანი ღრმა მწუხარებით აღსავსენი დგანან, პირადი ქირვარამი და საკუთარი ინტერესები თითქოს მოისპო და საერთო ობლობის გრძნობამ მოსისხლე მტრებიც კი შეარიგა. ჩვენი გაზეთებიც სისწორით გამოჰხატავენ ამ საერთო სულიერ განწყობილებას; საოცარი გულწრფელობითა და უაღრესი გლოვის გრძნობით ამეტყველდა ჩვენი პრესა ამ განსაცდელისა და მწუხარების ეპოს.

გაზ. „საქართველო“ სწერს:

„აღმამანთა სოციალ ცხოვრების გრძნობაში ფატალ კაზუსების გაფლანგვით მოდერნ ეპოქასა შინა იგივე ითქმის, რაც ინდივიდუალ ორგანიზმის ევოლუციურ სფერის ბრძმედილობათი ძერწვის შესახებ. აქაც და იქაც ფატალ სიუზმარბებს სანუგვარი ობიექტივი თინალო თან დაჭუჭუების, და ეს თინალო შით უფრო რეპრესივია, რაც უფრო სხეთათა სოციალი თუ ინდივიდუალი ორგანიზმა.“

მრავალ კატასტროფთა სახმიდთა შიგან გამოწრთობილს, კარნა მანც უძღურს: ერსა ჩვენსა ძინადი და ადუთმენელი განცდა თავს დაატუდა: ჟაფარი ჩვენი ერისა, კვამი, აღწურვილი უნიკურსად მეცნიერებითა, კადამჭრელი კარდინალ კითხვებისა, ერთად ერთი, რდმელსაც ჩვენი პოლიტიკურისა და ნაციონალ ცხოვრების ნიადაგ ხლართულობის ძალუძდა თავის კართმეჯა და გორდაისის კვანძის ერთის დაკვრით გაკეთა, აღესრულა...“

ოდეს სიმწვავე გააღმასებულ გრძნობათა მოხდვავებულობას, რაც პრიმიტივ აღმამანთა მძაფრებულობამდე აღწევს, ოდნავ დასცხრეს, მამინ მსოფოდ შეიგრძნოს ქართველმა ერმა ერთობილმა ამ დაწკაისის დიფიფისილობა!..“

გაზეთი ასე ათავებს თავის გრძნობიერ წერილს:



მაინც და მაინც, pendant ზემოთ თქმულთან, უნდა აღვიხატოთ, რომ ვიტალი პრეტესი ჩვენის მარჯვნივ და მარცხნივ და აღსავსე მანკური უკეთესი ხანგრძლივი არ არის და მოვალე უამი და აწვე არს, რადეს სიტყვად ცნობრებაში პრეტეს ინტერესების შენობობა ზოგად მოდგა-წეთა მოძალ კრისტალობას დაუთმობს ადგილს ჩვენდა საბუნებროთ. მაშინ ასრულდების ჯერ-ჯერობით ლიტონი ლეტრულობა აწ განსვენებულას ხელმომინას...

Requiescat in pace!

\* \*

„თეატრი და ცხოვრება“, ეს ნამდვილი ისაია წინასწარმეტყველი ჩვენი ცხოვრებისა, საოცარის გრძობამორევიტ ჰვოდებს სოლომონის სიკვდილს:

„ვაი მე... ვაი ჩვენ... ვაი ჩვენს ერს!.. სოლომონი არ იყო არც მსახობქალი, არც მსახობგაფი, არც მკაცობელმსახობგანი, მაგრამ მის მძუღლიანობას ვერ შეედრება ვერც ერთ ხამთული მდღეაწმინის მძუღლიანობა...“

მარსისხლიანმა სიფუდილმა გამოგვტანა იგი თვისი სამარისებური ხელებით და იმ ადგილას, სადაც სოლომონი ამოგვკლავდა, ვასისხლიანებულე ხარცის ნათლეთობას!..

სიკვდილი!..

მხოლოდ ჩვენისთანა უბადრუკ ერს თუ დაბრძოლებს ეგრეკავთ ისეთი უხეში, უფლად უაზრო, ვერაკი, ფლიდი და ვათასირებულე ძალა, როგორც სიკვდილია...

მაგრამ კმარა უილაჯობა!

დროს აფლაგმით ეს თავადებულე და აღვირ-წას-სნილი მტერი ჩვენი ურთხულე ხელაფნებისა!

ქართულებო!.. ის ერთია და ჩვენ კი ორ-მილიონზე მეტი..

ჩვენი მეზობლები, რუსები, ამბობენ: „Куй желѣзо, пригодится воды напиться“ -ო.

მივბადით ამ ბრძნულ ანდაზას...სასტიკი ბრძოლა სიკვდილს, ბრძოლა მამამამურის!

საკირკა, დაუფრებლივ დავაარსეთ კომისიები, რათა ორგანიზაციულათ მოწყობილ ძალების შემწეობით აღვკავთ პარისკან ჩვენი ძვირფასი მამულისა გაუმადლარი სიკვდილი და შევიანარჩუნეთ ის მოღვაწეები მაინც, რომელთაც ჯერ არ შეგვხვია მისი მსახურადა ხელი.

ამ მიზნის მიღწევა არც ისე ძნელია, თუ გავითვალისწინებთ განათლებულ ქვეყნების ვითარებას: როგორც გაგვიგონია, შევიდარობის შეერთებულ შტა-

ტებში, ე. ი. ჩრდილო შეგნიაში, დიდი ხანია სიკვდილის სსენებაც აღარ არის.

აი მაგალითი ჩვენთვის!..

დღეს კი ვიგვლოვით ჩვენი სულიერა და ზნეობრი მამა, უბადლო სოლომონი!..

ვაი მე .. ვაი ჩვენ... ვაი ჩვენს ერს!“

\* \*

„ვაზეთ „სახალხო ფურცელს“ და ყოველ-კვირულ „ზვირთს“ დაუვიწყარი მამულიშობის შესახებ საერთო მოწინავე წერილი მოუთავსებიათ და სხვათა შორის ამბობენ:

„დღეს უფლასათვის ცხადია, რომ ურთხულე იღვამ, იმ სხით, რა სხითაც ეს იღვა ჩვენის რედაქციების კალეკიებს ესმის, საბოლოოთ გამარჯვება და, ამის დაგვართ, როგორც მოსალოდნელი იყო, ბოლო მოკლე ქარაუკელის დემოკრატის გამრუფელის ე. წ. ინტენაციონალურის, ანუ ს.-დემოკრატის, ე. ი. მაქსისტის, თუ როგორც ჩვენში უწოდებენ, „დასურის“ უსურის, გულის ამმღრევის, გრძობის შეურაცხყოფის ტლანქის აკიტაციის და მრძაგანდის უწინდელის უტუარის გაფლენის ძალას. ამის დამამტიკებელი საბუთო თვალსაზრის გახდება ჩვენის დაუფიწყარის თანამაზრის, ნეტარსენებულის სოლომონის ზურაბის ძის ზურკიელიძის დაკრძალვაზე, როდესაც ჩვენის მიმართულებას მიმღევარი ქართული მუშები და რაზმული გამოფლენ ძვირფასის ცხედრის მატრისცემათ და უწმუნო თამებსაც კი დაანწმუნებენ, რომ „ჩვენი სახელი—ფეკიანია!“

\* \*

გაცეთი „Закавказ. Рѣчь-ი სწერს:

„Нашъ новая національная горе.

«Бѣдному чѣловеку камень на подіомѣ дагналъ—гаварить Шота Руставели—и это, если толко вникнутья глазами трѣзваго «грузина» въ предметъ, выйдѣтъ, что какъ разъ надъ нами вырезано.

Мы, канечно, ничего не имѣемъ противъ нашихъ соседей, армянъ, ихъ канѣчно притесняютъ въ Турціи и, немного даже рѣжутъ (ми это не отрицаемъ), но какое сравненіе съ нашимъ національнымъ утратой, которсе постиглось Соломона Зургіелидзе...

Міръ пруху твоего, дорогой преподаватель нашъ!..





ნილაბი სოლომონისა  
გადაღებული ი. ნიკოლაძის მიერ.

## ბ. თაგუნას სიტყვა\*)

ს. ზურგიელიძის ცხედრის წინაშე წარმოთქმული.

სულმნათო სოლომონ! შენი სპეტაკი ცხედარი

ოთვალავ ხალხის წინაშე

დულს და გადმოდის. შენისთანა მამულიშვილების  
დაკარგვა რასაკვირველია,  
ჩაჰყლაბავს, მაგრამ

სამარის ლოდს

ვერ მოინელებს. აწ

დადუმებული გული შენი

სასახლოთ და მტრის

თვალის დასაყენებლათ

\*) როგორც მკითხველი ჰხედავს პატივცემულ თაგუნას სიტყვა ჩვენგან დამოუკიდებელ მიზეზთა გამო სრულად ვერ იბეჭდება. მაგრამ, იმედი გვაქვს, რომ დაკვირვებული მკითხველი, რაც იბეჭდება იმის მიხედვითაც აღვიღად აღადგენს მჭევრმეტყველურ ხელოვნების ამ კლასიკურ ნიმუშს, რომელმაც დაკარგვის დამსწრეთა გულმოსაკლავი ქვეთინი და დაუსრულებელი ცრემლთა დენა გამოიწვია.

რედაქცია.

აქვე ფეხ ქვეშ უნდა გაითელოს!

და დაობლებულ ერს

ყვავ-ყო-

რანი

გაუნათებს მომავალს

მაგრათ!

თუმცა ჩვენს გულში სამარადისოთ  
ნაზათ

შეფურთხებს ნამდვილი

მამულიშვილი.

ნეტარ არს

რომელიც

მიაქანებს წინ!

გუშინ

უბადრუკი

საუკუნო ხსენება შენი!..

## სამგლოვიარო წერილები და დაკეუბი.

**ოზურგეთი.** (დებეშა) კიდევ ახალი უბედურება. ჰოი სამშობლოვ როდემდივ უნდა იტანჯო. აღარ გეყავს ძვირფასი სოლომონი—ჩვენი კვირტი. ეს სამწუხარო ამბავი იმ დროს გავიგეთ, როცა ქალაქის თეატრში „შეშლილები“ უნდა წარმოედგინათ. წარმოდგენა გადაიდო ორმოცი დღით. გადავიხადეთ პანაშვიდი. გრძნობიარე სიტყვა წარმოსთქვა დეკანოზმა, ვაგროვებთ ფონდისთვის ფულს. დასაფლავებაზე იგზავნება წარმომადგენელი. მცხოვრებთა მწუხარება გამოუთქმელია.

მონდობილობით ბაზრის ზედამხედველი  
**კონსტ. ფერქომაძე.**

**ონი.** (დებეშა) ერთი თვით ბენდიერი მაინც ვიქნებოდით დებეშა რომ არ მოეგონებინათ. ერთ თვეს კიდევ ვერ გავიგებდით, რომ აღარ გეყავს უბადლო საზოგადო მოღვაწე კვირტი. მთელი ქალაქის მცხოვრებნი სტირიან, ჩვენთან ერთად მოსთქვამს რიონი. ქართველების მწუხარებას იზიარებს ადგილობრივი ებრაელები, მათმა რაბინმა და ჩვენმა ხუცესმა პანაშვიდი გადაიხადეს. ვთხოვთ დამკრ-



ძალად კომიტეტს დასაფლავება მეორმოცე დღეს დანიშნოს, რათა შევძლოთ დებუტატებმა ყოველ კუთხიდან თავის მოყრა და ღირსეული პატივისცემა.

მონღობილობით

კ. ჯაფარიძე და ბ. ბერუჩავა.

აბაშა. სოლომონ კვირტიას გარდაცვალებამ დიდად დაალონა მთელი სამეგრელოს ერი. ბედმა არ გვაკმარა მოუსაველობა და წყალდიდობა. ზედიზედ გვაკლებს საუკეთესო მამულიშვილებს, ბედაურები გაგვიწყდნენ. ვაგზავნით დელეგატებს. შეუერთეთ ჩვენი მწუხარება მთელ საქართველოს მწუხარებას.

უტუ გვასალია.

ქუთაისი. არ გვჯერა, ნუ თუ მართლა აღარ გვყავს მანათებელი ლამპარი. ნუ თუ გამოიღია ზეთი და ჩაჰქრა პატრუქი, ნუ თუ დაობლდა მათელი საქართველო. ვერ გვიპოვია სიტყვა გრძობის გამომხატველი, ცრემლი შეგვაშრა, ბოღმა გვახრიბს. წარმოდგენა გადაიდო, თვითმართველობის სხდომა შეწყდა, შავი ქვის საბჭოს კრება დაიხურა, ქალთა საზოგადოება დაიშალა, ქალებმა მალაზიებს მიაშურეს და სამგლოვიარო კაბებს ყიდულობენ. შესდგა შეერთებული კრება ყველა კულტურულ დაწესებულებისა, გადაწყდა არჩეულ იქმნას მაქაური დამკრძალავი კომიტეტის აქაური განყოფილება. დებუტატებს ყველა საზოგადოება გზავნის. 225 ბილეთი შეგვინახეთ. ფონდის შემგროვებელი კომისია დავაარსეთ. ვითხოვთ დასაფლავების ცერემონიალს ჩვენი წარმომადგენლების ჩამოსვლამდე ნუ შეიმუშავებთ. გაზეთები: სამშობლო, იმერეთი, მეგობარი სამგლოვიარო არშიებით გამოდის.

კიტა.

ბათუმი. საღამო უამს, როცა დღიურ სიციხედით გულ დაჩაგრულნი „ბრეხალკის“ მუღმივი წევრნი, გასართობათ და საღალბოთ შევიყარენით სარძვევ „ინტერნაციონალის“ წინ და უნდა მოგვესმინა მორიგე ბესარიონისაგან მორიგი ჭორი აი ამ დროს და ამ ადგილას დებეშამ ჩავვიშხამა ყველაფერი—გვაცნობა დაუჯერებელი და წარმოუდგენელი ამბავი—სოლომონის გარდაცვალება. ყველას თავხარა დაგვცა და გლოვის ნიშნად ოთხ-ოთხად დაპარტნიორებულნი ცალ-ცალკე ბინაზე წავედით. მრავალ-ფეროვანი იყო სოლომონის მოღვაწეობა და ღვაწლი. ვატყობინებთ ამ სამწუხარო

ამბავს მოძმე მაჰმადიანებს და დელეგატს იმათაც ვაგზავნინებთ. გლოვობს შავი ზღვის პირი, და ქართველების გულთან ერთად შფოთავს, ბორგავს და დელავს შავი ზღვა.

სოსო.

ფოთი. ნათქვამია: „ღმერთმა ერთი ვით წაწყმინდოს თუ მეორე არ აცხონოსო“. მართალია აღარა გვყავს დიდებული მოღვაწე სოლომონ—კვირტი, მაგრამ სამაგიეროთ მისმა სიკვდილმა აღმოაჩინა ახალი ოქროპირირი, იშვიათი მქერმეტყველი, ფრიად განსწავლული მოძღვარი კლიმენტო. გვაცნობა რა სოლომონის გარდაცვალება სობოროს დიდი ზარის სამგლოვიარო რეკამ, მაშინვე მაშინვე ეკლესიაში მოვიყარეთ თავი. მცირე პანაშვიდის შემდეგ დიდი სიტყვა წარმოსთქვა დეკანოზმა კლიმენტომ, მისმა სიტყვამ დაგვარწმუნა, რომ არ მოკვდება ის ერი, ვისაც საზოგადო მოღვაწის ისეთი დამფასებელი რჩება, როგორც ჩვენი დეკანოზია. შენ კი ძვირფასო სოლომონ განისვენე მშვიდათ, შენ გაფასებს და გტირის ერი ქართველი. დებუტატიაში პარასკევსაც იქნება—მეორე სიტყვა მისთვის შეინახეთ.

ეროვნული მუშა ს. ჩიჩუა.

დაკრძალვა

სოლომონ რ. ზურგიელიძისა.

ის გრანდიოზული სანახაობა, რომლის მოწამე შეიქნა ჩვენი ქალარა დედა-ქალაქი, თფილისი, 18 ოქტომბერს, განცვიფრებაში მოიყვანდა თვით განუცვიფრებელს ადამიანთა შორის. ქაშვეთის წმინდა გიორგის ეკლესიის მთელი მიდამო, ვიდრე სახაზინო თეატრამდე ერთის მხრით და ყოფილ ტილიპუქურამდე მეორე მხრით, სოსიკო მერკვილაძის „ცოდნამდე“ ქვევით და სამოსამართლო პალატამდე ზევით, სულ ხალხით იყო გაქედილი. დებუტატებს სხვა და სხვა ეროვნებისა და ქალაქებისას თვით ეკლესიის გაღაფანში უშვებდნენ.

წესის აგების შემდეგ ყოველად სამღვდელთა იაკინთემ გრძობით სავსე სიტყვა წარმოსთქვა და ვრცლათ შეეხო განსვენებულის ღრმა ცოდნას საეკლესიო გალობის სფეროში. აქვე წარმოსთქვა გრძობით აღსავსე სიტყვა პ. ხ. ხატისოგმა ქალაქი თფილისისა და გაიოზ ჩიქოვანმა ქ. ქუთაისის სახელით. თავად აზნაურობის მხრივ ილაპარაკა მიხელილ ზურაბიშვილმა, რომელსაც ხალხი ტაშის





ცემით მიეგება. ილაპარაკეს წერა-კითხვის, ეტნო-გრაფიულის, კულტურის მოყვარულთა, სამეურნეო და სიტყვა კაზმულ საზოგადოებათა წარმომადგენლებმა. სხვა და სხვა რედაქციებისა და დაწესებულებათა დებუტატებმა. ილაპარაკა და დიდი მღელვარება გამოიწვია სოფ. სოკოთუბნელმა გლეხმა ნიკოია ჯღარკავამ.

სწორედ საღამოს ხუთ საათზე დაიძრა პროცესიის ზღვა, რომელსაც წინ მიუძღოდა სამი ხორა მგალობელთა: წითელ ქულაჯებიანი, შავ-ჩოხიანი კავსაძისა და ქალთა გუნდი. „წმინდაო ღმერთოს“ გუგუნე გლოვის ჰანგით ავსებდა ხალხით გაქედნილ ქუჩებს და როგორც მოვარდნილი ლანქერი ჩქერით გადადიოდა უბნიდან უბანში.

მგალობელთა გუნდს მოსდევდა ქართველი სამღვდელთა ყოვლად-სამღვდელო იაკინთეს მეთაურობით, შემდეგ სამღლოვიარო ეტლი და მას უკან გულდათუთქული ქირისუფცლები ურიცხვი ხალხის თანხლებით.

პროცესია ნელა და მწყობრათ გაემართა გოლოვინის პროსპექტით და როცა კავსაძის ხორა „ნოეს სასტუმროს“ წინ გუგუნებდა, პროცესიის უკანამავალნი „ძმურ ნუგეშს“ არ გაჰშორებოდნენ. სანახაობა, როგორც მოგახსენეთ, ქართველთათვისაც უჩვეულო იყო და ახლა წარმოიდგინეთ თქვენ განცვიფრება ოსმალეთიდან შემოხიზნულ „ბეჟენცებისა“, რომელნიც გაშეშებული შესცქეროდნენ ამ ზღვა ხალხს და ამბობდნენ:

— უთუოდ ამათი ყენი მომკვდარა, რომ მთელი ქვეყანა მისდევს უკანარ.

დიღუბის ეკლესიის გაღაფანს უკვე რვა საათზე მივადექით. აქ ილაპარაკა მუსულმანთა წარმომადგენელმა მუსტაფა-აჯი-მამედ-ახუნ-ზადემ. მიუხედავად იმისა, რომ ორატორი უცნობ ენაზე ლაპარაკობდა, სიტყვამ თავის მგრძობიარეობით უდიდესი შთაბეჭდილება მოახდინა.

ილაპარაკეს ოსების, ბერძნების, ებრაელებისა და აისორების წარმომადგენლებმაც. ხალხი ყველას აღტაცებით ეგებებოდა. ის იყო ორატორთა სია გათავდა, კუბო სამარეში ჩაუშვეს და ძვირფასი გვამი შავმა მიწამ დაქუარა, რომ სასაფლაოს აღმოსავლეთ მხრიდან საშიშარი ხმა-მალალი ტირილი მოისმა და ვილაც ქულაჯიანი კაცი გაშმაგებით მიიქრა სამარესთან. გულის შემზარავი სცენა მოხდა. ქაბუკი ვერას გზით ვერ დაამწვიდეს და როცა სული მოიბრუნა საუცხოვო ლექსი ჩასძახა ჩვენს მგოსანს „ამიერ კავკასიის რკინის გზის“ სახელით. მისი ვინაობა ჩემთვის გამოურკვეველი დარჩა.

„ეშმაკის მათრახის“ რედაქციის მხრით გრძობიერი სიტყვა წარმოსთქვა დამსახურებულმა იუმორისტმა „თავუნამ“.

საღამოს ცხრა საათზე მადლიერი საზოგადოება დაიშალა და გაემართა „ახალის“ თუ „ხარფუხის“ კლუბისაკენ უზომო მწუხარების გასაქარვებლათ.

ადგილის სიმცირე ნებას არ მძღვეს ვრცლათ შევეხოთ ამ საარაკო პატივისცემას, ვიტყვი მხოლოდ, რომ მრავალთაგან გაიგონებდით:

— რომ ვიცოდე ასეთის დიდებით დამსაფლავებენ ეხლაფ თავს მოვიკლავდიო.

— იცი ლუკა, ჩვენ მეზობელ ერებს გადაუწყვტიათ როცა მოუკვდებათ ვინმე უთუოდ ქართველებს მივანდოთ დამარხვო.

ასეა თუ ისე, მე მგონია სოლომონ ზურგიელიძე ეს უკანასკნელი ქართველია, რომელსაც ასეთი მეფური (მეტე რომ არა ვსთქვათ) დასაფლავება ხვდა წილათ.

ამბობენ სოლომონის საფლავზე დაიბადა ახალი ჯგუფი ქართველებისა, რომელიც დაიქერს შემეერთებელ პოზიციას „საქართველოელთა“ და „სახალხოელთა“ შორისო. არ ვიცი რამდენათ მართალია ეს ცნობა, მაგრამ თუ ეს ასეა ამ სასიამოვნო ამბავს შეუძლია მცირედ მაინც შეამსუბუქოს ჩვენი უზომო ტანჯვა სოლომონის დაკარგვით გამოწვეული.

მოზარე.

## მოსწრაბული სიტყვები და აზორიფები

განსვენებული ს. ზურგიელიძისა.

\* \*

„...ჩვენი ქვეყნის ბედი ერთ რომელსამე კაცზე როდი ჰკიდია. თუ ერის უმრავლესობა მომავლის გზას გაიკაფავს, უმცირესობაც მას დაედევნება“...

\* \*

„იცოდე, შვილო, სიცოცხლე სიკვდილს არ მუდამ სჯობია: მოძმისთვის თავის გაწირვა მრავალგზის შენამკობია“.

\* \*

ერთხელ განსვენებულსა ჰკითხეს:

— სოლომონ, ქართველათ რომ არ დაბადებულიყავ რას იზამდიო?

— მაშინვე თავს მოვიკლავდიო, მოსწრებულათ უპასუხა ენამქრელმა მოღვაწემ.





\* \*

„სწავლა იგივეა ყრმისათვის, რაც ზეთი ქრისათვის: ჩაუსხამ აინთება, არ ჩაუსხამ და — ჩაჰქრება“.

\* \*

ერთ წვეულებაზე სოლომონს თამადა ჩააცივდა: გინდა თუ არა, ყანწით ღვინო დალიეო. — ვერ დავლევ, არ შემოდლიანო. უთხრა სოლომონმა. თამადადამ მაინც გაუჯახენა ყანწით ღვინო, — სანამ არ დალევ, არ მოგეშვებია. მაშინ სოლომონმა ექსპრომტათ შემდეგი ლექსი წარმოსთქვა:

— ყანწით ვერ დავლევ მე მაგ ღვინოსა, თამადა ღმერთმა შეარცხვინოსა... თამადამ ვნახე იკბინა და ხმა გაჰკმინდა.

\* \*

1905 წ., ცნობილი მანიფესტი რომ გამოცხადდა, განსვენებული სოლომონ ზურგიელიძე შემთხვევით თბილისში იყო. ყველას აღფრთოვანება ეტყობოდა სახეზე, სიხარულს ვერავენ მალავდა. ჩვენი სასიქადულო მწერალი კი ჩვეულებრივ დინ-

ჯათ იყო და მის მეტყველსა და ღრმათ ჩასმულ თვალებს ჩაფიქრება და თითქოს დარდიც ემჩნეოდა. — რა მიზეზია, ბატონო სოლომონ, რომ საერთო აღტაცების გაზიარების მაგიერ, მოგიწყენიათ? — ჰკითხა სოლომონს ბ. არჩილ ჯაჯანაშვილმა: — ნუ თუ არა გწამთ ბრწყინვალე ხანის დაწყებაო... სოლომონი მიაჩერდა არჩილს თავისი ჰკვიანი თვალებით, დიდხანს უცქირა უსიტყვოთ და ბოლოს ნელის ხმით, წინასწარმეტყველებრივით წარმოსთქვა:

— ვნახოთ, ძვირფასო არჩილ, ვნახოთ! ღმერთმა ჰქნას, რომ ეგ სიხარული ათი წლის შემდეგაც ეგრე შეგრჩენოდეთო.

მისანი მოღვაწის წინასწარმეტყველება, ჩვენდა საუბედუროთ, აღსრულდა და აი, დღეს, სწორეთ ათი წლის შემდეგ, სიკვდილის ბრქყალბმა გამოგვგლიჯა ხელიდან თვით ავტორი ამ წინასწარმეტყველებისა\*).

\*) იმედია, ბ. არჩილ ჯაჯანაშვილი ამ შემთხვევის სინამდვილეს დადასტურებს.

# ა ნ ბ ა რ ი შ ი

## სოლომონ ზურაბის ძე ზურგიელიძის დაკრძალვისა.

შ ე მ ო ს ა ვ ა ლ ი.	მან.	კ.	გ ა ს ა ვ ა ლ ი.	მან.	კ.
1 ქ. წ. კ. გ. ს. მთავარი გამგეობისაგან	300		1 ვადმოსვენების ხარჯები	511	13
2 შავი ქვის საბუხისაგან	250	50	2 სასაფლაოს ადგილი პანთეონში	600	—
3 — თფ. თავად-აზნაურთა საკრებულოსაგან	90	—	3 ჩოხიან ხოროს	60	—
4 ქუთაისის თავად-აზნაურთა საკრებულოს.	160	—	4 ქულაჯიან ხოროს	25	—
5 ბაქოს ქართველთაგან	414	70	5 ქალების ხოროს	7	—
6 ბათუმის ქართველთაგან	160	55	6 მღვდელ-მოქმედთ	75	—
7 ფოთელთაგან	75	70	7 ბალდახინს და კუბოს	204	—
8 სოხუმიდან (ნ. თავდგირიძისაგან)	25	—	8 საფლავის გაჭრა	50	—
9 პოსკოვის ქართ. სათვისტომოდან	5	25	9 ყვავილები და სანთლები	100	—
10 ოზურგეთელ პატრიარქისაგან	10	—	10 საკანცელარიო ხარჯი	75	—
11 სამტრ. ქ. შ. წ. გ. ს. გამგეობისაგან	85	20	11 შავები ნათესავებისათვის	398	—
12 ზონის ინტელიგენციისაგან	75	25	12 ეტლები საპატრო მოხუცთათვის	60	—
13 ზუგდიდელთაგან	17	08	13 ლაღიძის წყალი პროცესიის დროს	45	50
14 თელავის ინტელიგენტთაგან	25	—	14 განცხადების ფასი რედაქციებს	65	15
15 ტრამვაის მომუშავეთაგან	22	15	15 დეპეშების დასაგზავნი	36	07
16 ამხანაგობის სტამბის მუშათაგან	8	—	16 მათხოვრებსა და მონაზვნებს	6	28
17 ქიათურის მუშათაგან	35	55	17 ბროშურების დასაბეჭდი	28	64
18 გელათის ბერებისაგან	1	50	18 სურათების დაბეჭდვა ღია ბარათზე	40	16
19 ქართული კლუბისაგან	400	—	19 სინემატოგრაფზე გადაღება პროცესიისა	75	—
20 ქართულ რედაქციებისაგან	75	—	20 დროშების მატარებელთ	24	—
21 გვირგვინის მაგიერ	4	25	21 პროცესიის ხელმძღვან. ნიშნ. შესაძენათ.	26	45
22 კერძო შემოწირულებანი	6	25	22 წვრილმანი ხარჯები	800	—
ს უ ლ	3286	43	ს უ ლ	3112	38

დარჩა წმინდა უამოსავალი 174 მან. 5 კაპ.

ეს ფული მოხმარდება განსვენებულის ხელმოკლე ოჯახს და სალიტერატურო ფონდს.

ნებადართ. სამხ. ცენზორისაგან, სტამბა „შრომა“. რედაქტ.-გამომცემელი თეოფილე ბოლქვაძე.